

| | |
|-------------------------------|---|
| | <p align="center">KOMMUNALE VEDTEKTER FOR SKULEFRITIDSORDNINGA (SFO) I ÅL KOMMUNE</p> <p>Vedtekne av kommunestyret 16.10.03 (sak 84/03)</p> <p>Endra i sektorutval for kultur og oppvekst 24.06.08 (sak 14/08)</p> <p>Vedtekne i kommunestyret sak 1/16</p> <p>Endra i sektorutval for kultur og oppvekst 19.03.24 (sak 27/24)</p> <p>Endra i sektorutval for kultur og oppvekst 17.02.26 (sak 2025/3015)</p> <p>Vedtekne i kommunestyret 19.03.26 (sak 2025/3015)</p> |
| <p>§ 1 EIGAR</p> | <p>Ål kommune er eigar av SFO ved Nordbygdene skule, Nedre-Ål skule og Torpo skule.</p> |
| <p>§ 2 FORVALTNING</p> | <p>SFO skal drivast i samsvar med Lov om grunnskoleopplæringa og den vidaregåande opplæringa (Opplæringslova) og dei forskrifter og retningsliner som til ei kvar tid gjeld for drift av SFO.</p> <p>Sektorutval for kultur og oppvekst (SUKO) er politisk fagutval. Endringar av vedtektene for SFO kan vedtakast av SUKO.</p> <p>Større endringar og prinsipielle endringar skal leggjast fram for kommunestyret.</p> <p>Det blir arrangert eitt møte for føresette kvart skuleår.</p> |
| <p>§ 3 FORMÅL</p> | <p>SFO er eit frivillig tilbod til barn før og etter skuletid i 1.-4. trinn, og for barn med særskilde behov i 1.-7. trinn.</p> <p>Der det er ledige plassar kan sektoren/skulen vurdere å gje tilbod til barn utover 4. trinn.</p> |

| | |
|------------------------------------|--|
| | <p>Kommunen vil så langt råd er ha tilbud om SFO ved den einskilde skule, men er avhengig av tal påmeldte elevar. Det må vere seks elevar påmeldt ved hovudopptak og åtte elevar påmeldt ved ferie-SFO.</p> <p>SFO skal leggje til rette for leik, kultur- og fritidsaktivitetar og lekser med utgangspunkt i barna sin alder, funksjonsnivå og interesser. Ordninga skal gje barna omsorg og tilsyn. Barn med nedsett funksjonsevne skal gjevast gode utviklingsmoglegheiter. Areal, både ute og inne, skal vere eigna for føremålet.</p> |
| § 4 LEIING | <p>Rektor har det overordna administrative og pedagogiske ansvaret for SFO-ordninga ved skulen.</p> <p>Rektor skal i samarbeid med dei SFO-tilsette utarbeide ein årsplan for verksemda. Planen skal innehalde mål, organisering og innhald for drifta. SFO-tilsette skal etter behov delta på skulen sine klasseforeldremøte og på utviklingssamtalar.</p> |
| § 5 LEIKE- OG OPPHALDSAREAL | <p>SFO har ei anna organisering av barnegruppa og eit anna innhald enn skulen. Dette krev at dei fysiske tilhøva ligg til rette. Skulen nyttar definert SFO-lokale som hovudbase, men kan også nytte andre rom på skulen ved behov. SFO nyttar uteområdet til skulen.</p> |
| § 6 BEMANNING | <p>Bemanningsnormen er 1 vaksen pr. 12 barn. For barn med særskilde behov kan det tilsetjast ekstra personale etter sakkunnig vurdering og enkeltvedtak.</p> |
| § 7 SØKNAD OG OPPTAK | <p>Opptaksperioden er for eitt år. Hovudopptak skjer om våren før nytt skuleår. Hovudopptaket blir kunngjort i lokalavisa og har søknadsfrist 1. mars. Søknader i hovudopptaket er</p> |

| | |
|--|--|
| | <p>avgjerande for dimensjonering av tilbodet ved kvar einskild skule.</p> <p>Det er løpande opptak elles i året, men dette er avhengig av ledig kapasitet utan at det skal tilsetjast fleire.</p> <p>Det er lagt til rette for elektronisk søknad. Denne er å finne på www.aal.kommune.no</p> <p>Rektor ved den einskilde skule har opptaksmynde. Skulen sitt vedtak om tildeling eller avslag på søknad er å rekne som enkeltvedtak etter forvaltningslova.</p> <p>Klage på skulen sitt vedtak skal sendast oppvekstkontoret via skulen. Klageinstans er SUKO.</p> <p>Det er ikkje høve til å kjøpe enkeltdagar når barn ikkje har SFO-plass.</p> |
| <p>§ 8</p> <p>OPPTAKSKRITERIUM</p> | <p>Fylgjande kriterium skal leggjast til grunn ved opptak av barn til SFO etter slik prioritet:</p> <ol style="list-style-type: none"> 1. Barn med nedsett funksjonsevne 2. Barn med særskilde behov 3. Nye barn skal takast inn etter alder slik at dei yngste blir prioritert |
| <p>§ 9 OPPSEIING</p> | <p>Oppseiing av SFO-plass, også delar av ein plass, skal skje med to månader varsel. Oppseiingar blir rekna frå den 1. i månaden etter at oppseiinga er motteke.</p> <p>Ved oppseiing etter 1. april skal det betalast for plassen fram til sommarferien.</p> <p>Oppseiingar av heile eller delar av SFO-plassen skal meldast inn via elektronisk skjema. Dette er lagt ut på www.aal.kommune.no</p> |

| | |
|-------------------------------------|--|
| | <p>Bytte av plass grunna tilbod i kulturskulen kan meldast inn utan oppseiingstid innan 25. august på e-post til oppvekstkontoret@aal.kommune.no</p> <p>Endringar er avhengig av ledig plass.</p> |
| <p>§ 10 BETALING FOR SFO</p> | <p>SFO skal vere sjølvfinansiert og kommunen kan krevja utgiftene til SFO dekt gjennom eigenbetaling frå føresette.</p> <p>Mat i SFO kan kome i tillegg til sats for betaling frå føresette. Satsar for SFO blir fastsette i budsjetthandsaminga kvart år. Satsane kan endrast i løpet av året dersom ordninga går i underskot.</p> <p>Det blir sendt faktura fordelt på elleve månader.</p> <p>Føresette som fleire gonger ikkje hentar sine barn til rett tid, må etter ein skriftleg advarsel betale ein fastsett sats pr. påbegynt ½ time ved for sein henting.</p> <p>Ved manglande betaling frå føresette i meir enn to månader, blir det sendt varsel om oppseiing av plassen.</p> <p>Betalingsreglement er å finne på www.aal.kommune.no</p> |
| <p>§ 11 OPNINGSTID</p> | <p>Opningstid kl. 07.30 til skulestart og frå skuleslutt til kl. 16.30. Opningstida kan flyttast eller kortast ned etter kartlegging ved den einskilde skule.</p> <p>SFO er open på alle dagar som inngår i skuleruta.</p> <p>SFO er stengt i juli, jul- og påskeferie, (inntil 6) planleggingsdagar og andre fridagar i skuleåret jf. skuleruta.</p> <p>Dersom ein elev ikkje kan møte på SFO som avtalt, må det meldast frå til skulen/SFO.</p> |

| | |
|---------------------------------|--|
| <p>§ 12 FERIE-SFO</p> | <p>Ferie-SFO inngår ikkje i den ordinære påmeldinga. Nedre-Ål skule arrangerer ferie-SFO for alle skulane i kommunen.</p> <p>Det er ferie-SFO i haustferie, vinterferie, i juni etter skuleslutt og august før skulestart, utanom 4 planleggingsdagar før skulestart. Det er ikkje krav til tal påmeldte barn. Påmeldinga er bindande.</p> |
| <p>§ 13 SKYSS</p> | <p>SFO er ei frivillig ordning. Elevar med SFO-ordning har ikkje rett på gratis skuleskyss dei dagane dei er påmeldt SFO.</p> |
| <p>§ 14 POLITIATTEST</p> | <p>Dei som skal arbeide i SFO må leggje fram tilfredsstillande politiattest jf. Opplæringslova.</p> |
| <p>§ 15 TEIEPLIKT</p> | <p>Alle som arbeider i SFO har teieplikt etter Forvaltningslova §13.</p> |